

大佛頂如來密因修證了義諸菩薩萬行首楞嚴經

一名中印度那蘭陀大道場經於灌頂部錄出別行

唐中天竺沙門般刺密諦譯

烏菴國沙門彌伽釋迦譯語

羅浮山南樓寺沙門懷迪證譯

菩薩戒弟子前正議大夫同中書門下平章事清河

房融筆受

大佛頂如來密因修證了義諸菩薩萬行首楞嚴經卷第一

滿益大師科

太虛大師科

經文分三—序分，正宗分，流通分。

Ⓐ 一序分分二

甲一 經序分分二

Ⓑ 一通序分二

乙一 化成序

Ⓒ 一標聞說時處

如是我聞：一時，佛在室羅筏城祇桓精舍，

Ⓓ 二引大眾同聞分三

① 一聲聞眾分三

Ⓔ 一示類標數

與大比丘眾千二百五十人俱。

Ⓕ 二顯位數德

皆是無漏大阿羅漢，佛子住持，善超諸有，能於國土成就威儀，從佛轉輪，妙堪遺囑，嚴淨毗尼，弘範三界，應身無量，度脫眾生，拔濟未來，越諸塵累。

Ⓖ 三列上首名

其名曰「大智舍利弗、摩訶目犍連、摩訶拘絺羅、富樓那彌多羅尼子、須菩提、優波尼沙陀」等而為上首。

② 二緣覺眾

復有無量辟支無學，并其初心，同來佛所。屬諸比丘休夏自恣，

③ 三菩薩眾分二

Ⓖ 一夏終時集

十方菩薩，咨決心疑，欽奉慈嚴，將求密義。即時如來敷座宴安，爲諸會中宣示深奧。法筵清衆，得未曾有。

④二聞音遠集

迦陵仙音，徧十方界。恒沙菩薩來聚道場，文殊師利而爲上首。

②一別序^{分二}

乙一緣起序

③一示墮因緣^{分三}

①一佛僧應供

時，波斯匿王爲其父王諱日營齋，請佛宮掖，自迎如來，廣設珍羞無上妙味，兼復親延諸大菩薩。城中復有長者居士同時飯僧，佇佛來應。佛敕文殊：分領菩薩及阿羅漢應諸齋主。

①二阿難等乞

唯有阿難先受別請，遠遊未還，不遑僧次。既無上座及阿闍黎，途中獨歸。其日無供，即時阿難執持應器，於所遊城次第循乞。心中初求最後檀越以爲齋主，無問淨穢。刹利尊姓及旃陀羅，方行等慈不擇微賤，發意圓成一切衆生無量功德。阿難已知「如來世尊訶須菩提及大迦葉爲阿羅漢心不均平」，欽仰如來開闡無遮。度諸疑謗。經彼城隍，徐步郭門，嚴整威儀，肅恭齋法。

①三姪室誤墮

爾時，阿難因乞食次，經歷姪室，遭大幻術。摩登伽女。以娑毘迦羅先梵天咒攝入姪席，姪躬撫摩，將毀戒體。

丙二神咒護攝分三

①初大悲鑒物恆不忘念

如來知彼姪術所加，齋畢旋歸。王及大臣長者居士，俱來隨佛，願聞法要。

①二放光說呪表示密因

於時，世尊頂放百寶無畏光明，光中出生千葉寶蓮，有佛化身，結跏趺坐，宣說神呪，

①三文殊往救破邪歸正

敕文殊師利將呪往護。惡呪消滅，提獎阿難及摩登伽歸來佛所。

甲二正宗分六

乙一顯如來藏妙真如性圓

三諦理分二

丙一正明理性分四

①一當機悔請

甲一經宗分三

乙一頓問頓答懸示始終全義分一

丙一頓問

阿難見佛，頂禮悲泣，恨無始來一向多聞，未全道力。殷勤啓請：十方如來得成菩提「妙奢摩他·三摩·禪那」最初方便。

①二大衆願聞

於時復有恒沙菩薩及諸十方大阿羅漢辟支佛等俱願樂聞，退坐默然，承受聖旨。

①三如來答示分三

丙二頓答分一

丁一頓示大定總名

爾時，世尊在大眾中，舒金色臂摩阿難頂，告示阿難及諸大眾：『有三摩提名大佛頂首楞嚴王，具足萬行，十方如來一門超出妙莊嚴路。汝今諦聽！』

阿難頂禮，伏受慈旨。

㊟ 一 就事以顯理分二

㊢ 一 逐破妄執密顯真心分三

㊣ 一 徵其發心本因分二

㊤ 一 如來問

丁二 別顯常心直道

佛告阿難：『汝我同氣，情均天倫。當初發心，於我法中見何勝相？頓捨世間深重恩愛。』

㊤ 二 阿難答

阿難白佛：『我見如來三十二相勝妙殊絕，形體映徹猶

如琉璃。常自思惟：此相非是欲愛所生。何以故？欲氣麤濁，腥臊交遘，膿血雜亂，不能發生勝淨妙明紫金光聚。是以渴仰，從佛剃落。』

㊣ 二 示以常心直道分二

㊤ 一 點示常心

佛言：『善哉！阿難！汝等當知，一切眾生從無始來生死相續，皆由不知常住真心性淨明體，用諸妄想；此想不真，故有輪轉。』

㊤ 二 勸修直道

汝今欲研無上菩提，真發明性，應當直心誦我所問。十方如來同一道故，出離生死皆以直心。心言直故，如是乃至終始地位，中間永無諸委曲相。

- 乙一 委說委示等流智
悲一教分一
- 丙一 悟證如來性覺二分
- 丁一 卽三道成三德三分
- 戊一 顯如來藏分二
- 己一 歷萬法顯如來藏
而開圓悟分二
- 庚一 示真實性分四
- 辛一 破相想遮顯如來
藏分三

庚二廣破七番妄計分七

辛一正破計內分五

壬一 徵定

壬一 徵起緣心

阿難！我今問汝：當汝發心緣於如來三十二相，將何所見？誰爲愛樂？」

阿難白佛言：『世尊！如是愛樂，用我心目。由目觀見如來勝相，心生愛樂。故我發心，願捨生死。』

壬一 破顯分一

壬一 喻明降伏

癸一 破處計以無在顯

佛告阿難：『如汝所說，眞所愛樂因於心目，若不識知心目所在則不能得降伏塵勞。譬如國王爲賊所侵，發兵討除，是兵要當知賊所在。使汝流轉，心目爲咎。』

壬二牒其內執分二

㊟ 一 正牒

吾今問汝：「唯心與目，今何所在？」』

阿難白佛言：「世尊！一切世間十種異生，同將識心居在身內。縱觀如來青蓮華眼，亦在佛面。我今觀此浮根四塵，祇在我面；如是識心，實居身內。」

㊟ 二 立例

佛告阿難：「汝今現坐如來講堂，觀祇陀林今何所在？」

「世尊！此大重閣清淨講堂在給孤園，今祇陀林實在堂外。」

「阿難！汝今堂中先何所見？」

「世尊！我在堂中先見如來，次觀大眾；如是外望，方

矚林園。」

「阿難！汝矚林園，因何有見？」

「世尊！此大講堂戶牖開豁，故我在堂得遠瞻見。」

㊟ 四 懸示定名

—— 仍存原文

爾時，世尊在大眾中，舒金色臂摩阿難頂，告示阿難及諸大眾：「有三摩提名大佛頂首楞嚴王，具足萬行，十方如來一門超出妙莊嚴路。汝今諦聽！」阿難頂禮，伏受慈旨。

㊟ 五 正破非內分二

㊟ 一 引例

佛告阿難：「如汝所言，身在講堂，戶牖開豁，遠矚林

園。亦有衆生在此堂中。不見如來見堂外者？」

阿難答言：「世尊！在堂不見如來。能見林泉，無有是處。」

癸二正破

「阿難！汝亦如是。汝之心靈。一切明了，若汝現前所明了心實在身內，爾時先合了知內身。頗有衆生先見身中後觀外物？縱不能見心肝脾胃，爪生髮長。筋轉脈搖。誠合明了；如何不知？必不內知，云何知外？」

是故應知：汝言「覺了能知之心住在身內」，無有是處。」

辛二破轉計在外分二

壬一轉計

阿難稽首而白佛言：「我聞如來如是法音，悟知我心實居身外。所以者何？譬如燈光然於室中，是燈必能先照室內，從其室門後及庭際。一切衆生不見身中獨見身外，亦如燈光居在室外不能照室。是義必明，將無所惑。同佛了義，得無妄耶？」

壬二破斥分二

癸一立例

佛告阿難：「是諸比丘，適來從我室羅筏城循乞搏食，歸祇陀林，我已宿齋。汝觀比丘一人食時，諸人飽否？」

阿難答言：「不也，世尊！何以故？是諸比丘，雖阿羅漢，軀命不同，云何一人能令衆飽？」

⊗二正破

佛告阿難：『若汝覺了知見之心實在身外，身心相外，自不相干，則心所知，身不能覺，覺在身際，心不能知。

我今示汝兜羅綿手，汝眼見時，心分別否？』

阿難答言：『如是，世尊！』

佛告阿難：『若相知者，云何在外？

是故應知：汝言「覺了能知之心住在身外」，無有是處。』

⊗三破轉計潛根分二

⊕一轉計

阿難白佛言：『世尊！如佛所言，不見內故不居身內，

身心相知不相離故不在身外。我今思惟，知在一處。』

佛言：『處今何在？』

阿難言：『此了知心，既不知內而能見外。如我思忖，潛伏根裏。猶如有人取瑠璃碗合其兩眼，雖有物合而不留礙，彼根隨見隨即分別。然我覺了能知之心不見內者，為在根故；分明矚外，無障礙者，潛根內故。』

⊕二破斥分二

⊗一立例

佛告阿難：『如汝所言，潛根內者猶如瑠璃；彼人當以瑠璃籠眼，當見山河，見瑠璃不？』

『如是，世尊！是人當以瑠璃籠眼，實見瑠璃。』

⊗二正破

佛告阿難：『汝心若同瑠璃合者，當見山河，何不見眼？若見眼者，眼即同境，不得成隨。若不能見，云何說言此了知心潛在根內如瑠璃合？』

是故應知：汝言「覺了能知之心潛伏根裏如瑠璃合」，無有是處。』

⊗四破轉計見內分三

⊕一轉計

阿難白佛言：『世尊！我今又作如是思惟：是衆生身，腑臟在中，竅穴居外；有藏則暗，有竅則明。今我對佛，閉眼見明名爲見外，閉眼見暗名爲見內。是義云何？』

⊕二破斥分三

⊗一正破

佛告阿難：『汝當閉眼見暗之時，此暗境界爲與眼對？爲不對眼？若與眼對，暗在眼前，云何成內？若成內者，居暗室中無日月燈，此室暗中皆汝焦腑。若不對者，云何成見？』

⊗二轉破分三

⊕一破其轉計內對

若離外見，內對所成；合眼見暗，名爲身中，閉眼見明，何不見面？若不見面，內對不成。見面若成，此了知心及與眼根，乃在虛空，何成在內？』

⊕二破其轉許在空

若在虛空，自非汝體；即應如來今見汝面，亦是汝身。

汝眼已知・身合非覺。

④三破其轉許兩覺

必汝執言身眼兩覺，應有二知，即汝一身・應成兩佛。

⑤三結破

是故應知・汝言「見暗名見內」者，無有是處。』

⑥五破轉計隨生^{分二}

⑦一轉計

阿難言・『我嘗聞佛開示四衆・由心生故・種種法生，由法生故・種種心生。我今思惟・即思惟體・實我心性。隨所合處・心則隨有，亦非內外中間三處。』

⑧二破斥^{分三}

⑨一牒計

佛告阿難・『汝今說言「由法生故・種種心生・隨所合處・心隨有」者，

⑩二正破^{分三}

⑪一破無體

是心無體，則無所合；若無有體而能合者，則十九界因七塵合；是義不然。

⑫二破有體^{分三}

⑬一約內外出入破

若有體者，如汝以手自捏其體，汝所知心・為復內出？為從外入？若復內出，還見身中；若從外來，先合見面。』

阿難言・『見是其眼；心知非眼，為見非義。』

佛言：『若眼能見，汝在室中，門能見不？則諸已死。尚有眼存，應皆見物；若見物者，云何名死？』

㊦二約一多徧不徧破

阿難！又汝覺了能知之心。若必有體，爲復一體？爲有多體？今在汝身，爲復徧體？爲不徧體？若一體者，則汝以手捏一支時，四支應覺。若感覺者，捏應無在。若捏有所，則汝一體自不能成。若多體者，則成多人，何體爲汝？若徧體者，同前所捏；若不徧者，當汝觸頭，亦觸其足，頭有所覺，足應無知。今汝不然。

㊧三結破

是故應知：『隨所合處，心則隨有』，無有是處。』

㊨六破轉計中間^{分二}

㊩一破泛計^{分二}

㊪一泛計

阿難白佛言：『世尊！我亦聞佛與文殊等諸法王子談實相時，世尊亦言「心不在內，亦不在外」。如我思惟：內無所見，外不相知。內無知故，在內不成；身心相知，在外非義。今相知故，復內無見，當在中間。』

㊫二泛破

佛言：『汝言中間，中必不迷，非無所在。今汝推中，中何爲在？爲復在處？爲當在身？若在身者，在邊非中，在中同內。若在處者，爲有所表？爲無所表？無表同無，表則無定。何以故？如人以表，表爲中時，東看則西，南觀成北。表體既混，心應雜亂。』

⑤一破正計分二

⑥一正計

阿難言：『我所說中，非此二種。如世尊言「眼色為緣・生於眼識」，眼有分別，色塵無知，識生其中，則為心在。』

⑦二正破

佛言：『汝心若在根塵之中，此之心體，為復兼二？為不兼二？若兼二者，物體雜亂；物非體知，成敵兩立，云何為中？兼二不成，非知不知，即無體性，中何為相？』

是故應知：「當在中間」，無有是處。』

⑧七破轉計無著分二

⑨一轉計

阿難白佛言：『世尊！我昔見佛與大目連、須菩提、富樓那、舍利弗四大弟子共轉法輪，常言「覺知分別心性・既不在內・亦不在外・不在中間・俱無所在・一切無著・名之為心」，則我無著・名為心不？』

⑩二破斥

佛告阿難：『汝言「覺知分別心性俱無在」者，世間虛空水陸飛行，諸所物象，名為一切，汝不著者，為在為無？無則同於龜毛兔角，云何不著？有不著者，不可名無。無相則無，非無則相，相有則在，云何無著？』

是故應知：「一切無著・名覺知心」無有是處。』

⑪二顯示妙理兼破餘妄分二

癸一 破倒執以無體顯

- ⑧ 一總示萬法惟心分二
- ⑨ 一正示二本不離一心分二
- ⑩ 一當機申請

爾時，阿難在大眾中，即從座起，偏袒右肩，右膝著地，合掌恭敬而白佛言：『我是如來最小之弟，蒙佛慈愛，雖今出家，猶恃憍憐；所以多聞未得無漏，不能折伏娑毗羅咒，為彼所轉，溺於婬舍。當由不知實際所詣。惟願世尊大慈哀愍，開示我等奢摩他路！令諸闍提隳彌戾車。』

作是語已，五體投地，及諸大眾傾渴翹佇，欽聞示誨。

- ⑪ 一如來開示分二
- ⑫ 一瑞表真常

爾時，世尊從其面門放種種光，其光晃耀如百千日，普佛世界六種震動。如是十方微塵國土，一時開現。佛之威神，令諸世界合成一界。其世界中所有的一切諸大菩薩，皆住本國合掌承聽。

⑬ 二正示二本

佛告阿難：『一切眾生，從無始來，種種顛倒、業種，自然如惡叉聚。諸修行人不能得成無上菩提，乃至別成聲聞緣覺及成外道、諸天魔王及魔眷屬，皆由不知二種根本，錯亂修習。猶如煮沙，欲成嘉饌，縱經塵劫，終不能得。云何二種？阿難！一者，無始生死根本；則汝今者與諸眾生用攀緣心為自性者。

二者，無始菩提涅槃元清淨體；則汝今者識精元明能生

諸緣。緣所遺者。由諸衆生遺此本明，雖終日行而不自覺，枉入諸趣。

⑧二委示心體不同妄執分四

①一重斥妄計非心

阿難！汝今欲知奢摩他路，願出生死，今復問汝。」

即時如來舉金色臂，屈五輪指，語阿難言：「汝今見不？」

阿難言：「見。」

佛言：「汝何所見？」

阿難言：「我見如來舉臂屈指爲光明拳，耀我心目。」

佛言：「汝將誰見？」

阿難言：「我與大衆同將眼見。」

佛告阿難：「汝今答我，如來屈指爲光明拳耀汝心目，汝目可見，以何爲心，當我拳耀？」

阿難言：「如來現今徵心所在，而我以心推窮尋逐，即能推者，我將爲心。」

佛言：「咄！阿難！此非汝心。」

阿難鬢然避座合掌起立白佛：「此非我心，當名何等？」

佛告阿難：「此是前塵虛妄相想，惑汝眞性。由汝無始至於今生，認賊爲子，失汝元常，故受輪轉。」

②二正示眞心有體

阿難白佛言：「世尊！我佛寵弟，心愛佛故，令我出家。我心何獨供養如來，乃至徧歷恒沙國土承事諸佛及善

知識，發大勇猛，行諸一切難行法事，皆用此心。縱令謗法，永退善根，亦因此心。若此發明不是心者，我乃無心同諸土木，離此覺知，更無所有。云何如來說此非心？我實驚怖，兼此大眾無不疑惑。惟垂大悲，開示未悟！」

爾時，世尊開示阿難及諸大眾，欲令心入無生法忍，於師子座摩阿難頂而告之言：「如來常說「諸法所生，唯心所現」，一切因果，世界微塵，因心成體。阿難！若諸世界一切所有，其中乃至草葉縷結，詰其根元，咸有體性。縱令虛空，亦有名貌。何況清淨妙淨明心，性一切心，而自無體？」

⑩三委明分別無性

若汝執恠，分別覺觀所了知性，必為心者，此心即應離諸一切色香味觸諸塵事業，別有全性。如汝今者承聽我法，此則因聲而有分別。縱滅一切見聞覺知，內守幽閑，猶為法塵分別影事。我非敕汝執為非心，但汝於心，微細揣摩，若離前塵有分別性，即真汝心；若分別性，離塵無體，斯則前塵分別影事。塵非常住，若變滅時，此心則同龜毛兔角；則汝法身同於斷滅，其誰修證無生法忍？」

即時，阿難與諸大眾默然自失。

⑪四總斥從來誤執

王三 結責

佛告阿難：「世間一切諸修學人，現前雖成九次第定，不得漏盡成阿羅漢。皆由執此生死妄想，誤為真實。是

故，汝今雖得多聞，不成聖果。』

⑧二別就見精顯性分三

辛二 就見精表顯如來藏分一

⑨一領旨哀請

壬二 躡前重請得蒙建大法幢

阿難聞已，重復悲淚，五體投地，長跪合掌而白佛言：『自我從佛發心出家，恃佛威神，常自思惟，無勞我修，將謂如來惠我三昧。不知身心本不相代，失我本心，雖身出家，心不入道。譬如窮子，捨父逃逝。今日乃知：雖有多聞，若不修行，與不聞等；如人說食，終不能飽。世尊！我等今者，一障所纏，良由不知寂常心性。惟願如來哀愍窮露，發妙明心開我道眼！』

⑩二正垂開示分二

⑪一現瑞許說

即時，如來從胸卍字涌出寶光，其光晃昱，有百千色，十方微塵，普佛世界，一時周徧，徧灌十方所有寶刹諸如來頂，旋至阿難及諸大眾。告阿難言：『吾今為汝建大法幢，亦令十方一切眾生獲妙微密性淨明心，得清淨眼。』

⑫二正示見性分十

壬三 躡前逐問專為辨明見性分十

⑬一直指見性是心非眼分二

癸一 借盲有心而燈同眼直指見性是心非眼

⑭一以拳例見定其常情

阿難！汝先答我見光明拳，此拳光明因何所有？云何成拳？汝將誰見？」

阿難言：『由佛全體闔浮檀金，純如寶山，清淨所生，故有光明；我實眼觀五輪指端屈握示人，故有拳相。』

佛告阿難：『如來今日實言告汝，諸有智者要以譬喻而得開悟。阿難！譬如我拳，若無我手，不成我拳；若無汝眼，不成汝見。以汝眼根，例我拳理，其義均不？』

阿難言：『唯！然！世尊！既無我眼，不成我見，以我眼根，例如來拳，事義相類。』

① 引例破執正顯見性

佛告阿難：『汝言相類，是義不然。何以故？如無手人，拳畢竟滅；彼無眼者非見全無。所以者何？汝試於途

詢問盲人：汝何所見？彼諸盲人必來答汝：我今眼前唯見黑暗，更無他矚。以是義觀，前塵自暗，見何虧損？

』

阿難言：『諸盲眼前唯觀黑暗，云何成見？』

佛告阿難：『諸盲無眼，唯觀黑暗，與有眼人處於暗室，一黑有別？為無有別？』

『如是，世尊！此暗中人與彼群盲，一黑校量，會無有異。』

『阿難！若無眼人全見前黑，忽得眼光，還於前塵見種種色，名眼見者；彼暗中人全見前黑，忽獲燈光，亦於前塵見種種色，應名燈見。若燈見者，燈能有見，自不名燈。』

又則燈觀・何關汝事？

是故當知：燈能顯色，如是見者・是眼非燈；眼能顯色，如是見性・是心非眼。』

㊟二約客塵顯見性不動分二

癸二 借客不住而塵搖動現驗見性常住無動

㊟一默請

阿難雖復得聞是言，與諸大眾，口已默然，心未開悟。猶冀如來慈音宣示，合掌清心，佇佛悲誨。

㊟二正示分三

㊟一徵名驗解分三

㊟一如來問

爾時，世尊舒兜羅綿網相光手・開五輪指，誨敕阿難及諸大眾：『我初成道，於鹿園中為阿若多五比丘等及汝四眾言：「一切眾生不成菩提及阿羅漢，皆由客塵煩惱所誤。」汝等當時，因何開悟・今成聖果？』

㊟二陳那答

時憍陳那起立白佛：『我今長老於大眾中獨得解名，因悟「客塵」二字成果。世尊！譬如行客，投寄旅亭，或宿或食，宿食事畢，俶裝前途，不遑安住。若實主人，自無攸往。如是思惟：不住名客，住名主人；以不住者名為客義。

又如新霽，清暘升天，光入隙中，發明空中諸有塵相；塵質搖動，虛空寂然。如是思惟：澄寂名空，搖動名塵

，以搖動者名為塵義。」

④三如來印可

佛言：『如是。』

④二現相證成分二

④一開合寶掌證成客與主義

即時，如來於大眾中屈五輪指，屈已復開，開已又屈，謂阿難言：『汝今何見？』

阿難言：『我見如來百寶輪掌，眾中開合。』

佛告阿難：『汝見我手眾中開合，為是我手有開有合？為復汝見有開有合？』

阿難言：『世尊寶手眾中開合，我見如來手自開合，非我見性有開有合。』

佛言：『誰動誰靜？』

阿難言：『佛手不住，而我見性尚無有靜，誰為無住？』

佛言：『如是。』

④二飛光動頭證成塵與空義

如來於是從輪掌中飛一寶光在阿難右，即時阿難迴首右盼；又放一光在阿難左，阿難又則迴首左盼。

佛告阿難：『汝頭今日何因搖動？』

阿難言：『我見如來出妙寶光來我左右，故左右觀，頭自搖動。』

『阿難！汝盼佛光左右動頭，為汝頭動？為復見動？』

『世尊！我頭自動，而我見性尚無有止，誰為搖動？』

佛言：『如是。』

卅三結會責失分二

卅一結會

於是，如來普告大眾：『若復衆生以搖動者名之爲塵，以不住者名之爲客，汝觀阿難頭自動搖。見無所動，又汝觀我手自開合。見無舒卷，

卅二責失

云何汝今以動爲身。以動爲境？從始泊終，念念生滅；遺失真性，顛倒行事；性心失真，認物爲己；輪迴是中，自取流轉。』

大佛頂首楞嚴經卷一